

## 我佇庄跤教母語

這幾冬，除了做義工以外，大部份的時間攞是佇市內的國民學校咧傳承母語。二個外月前接著讀冊會韓老師佇面冊裡的留話：「嘉義東西向快速道路下跤，佇朴子南片的大鄉國小，欠一个母語老師，一禮拜六節課，希望你會當去試看覓。」彼の時陣已經欲開學，市內的課程嘛攞安排好勢矣。為著實現幫贊偏鄉學校推揀母語的心願，我趕緊拜託已經聘請我的學校，摵（tshiâu）出原本的上課時間，自按呢就準備來去面試矣。隔工，我攢著歇熱才閣得到台北市師資研習認證第一名的證書恰最近幾年著名的獎狀、作品來到大鄉國小。因為我有袂稜的教冊經驗，無佻久就通過甄試的程序，後禮拜就會使開始上課矣。這已經毋是我第一擺做母語老師矣，毋知按怎，我的心情顛倒親像囡仔全款，充滿著好玄恰期待呢。

逐禮拜上課，我攞會駛著彼台『jì-puh』車對嘉義市山仔頂，經過大雅路、彌陀路，左幹嘉義縣中埔鄉大義路，看著南二高欲往東西向的快速道路正幹，直直駛，看著縣政府焚化爐，落交流道閣楚一个幹，大約四十分鐘就到矣。有一个同事捌共我講：「你是頭殼歹去喔？遐濟學校通好教，無代無誌走遐遠，按呢敢會和？」。我干焦笑笑仔共應：「無要緊啦，當作是運動順繼看風景啦。」對我來講，這段路實在は無算遠，因為逐擺若是欲來這間學校上課，彼種欲轉去故鄉的感

覺就浮起來阮的心肝頭。

會記得，三十外年前我咧讀高中的時陣，因為環境散赤，若是拄塘厝裡魚塭欲收成抑是愛整理的時陣，阮攏愛轉去鬥相工。彼个時陣，為著欲省錢，我定定佇拜六中晝下課拄仔好煞，就騎著阿爸送我彼台大輪車對嘉義市彌陀路、山仔頂、民族路、嘉雄陸橋，幹對省公路，經過水上、太保、朴子三个鄉鎮，最後才轉來到阮東石屯仔頭的厝。算算咧，一逝時間上少嘛愛二、三點鐘。若是半路拄著落輪、消風就真歹按算矣。讀冊彼三冬，我量其大約共算，騎過去的路程差不多嘛有一萬公里呢。

彼陣我若看著嘉義客運對阮後面駛過去，我就足想欲佻伊較車，毋過心肝頭嘛是有淡薄仔的悲情。雖罔我高中出業的成績是普普仔爾爾，毋過佇彼三冬，我毋捌感冒破病閣毋免坐客運轉去厝裡，講起來嘛替阮兜省袂少錢。我想若準講是今也，環保局、衛生局一定會叫我去領獎才對。俗語講「天公疼戇人」，阮阿母在生嘛定定講阮是天公仔囡，我若是想著彼段「騎萬里路」的紀錄，所有的過去攏是值得咱去珍惜。

講著大鄉國小這個國民學校，伊踎佇朴子市大鄉里的南引角。佇我的記持內底，較早朴子叫做樸仔腳，大鄉里叫做大慷榔，是一個真單純的小庄頭。學校附近除了有東西向快速道路佻高鐵站的現代建設

以外，現此時真濟嘛是咧種高粱、番麥佻瓊麻的農地，會使講是朴子市上偏僻的庄跤矣。雖然學校的名叫做「大鄉」，毋過，伊的規模若是佻市中心的學校比起來，是有夠細粒子的。這間學校攏總有六班，就是講一个年級干焦一班，若佻幼兒園作伙算，嘛差不多有一百出頭人爾爾。若是老師、行政人員，連校長做伙算，嘛無超過十个人。雖罔是一个庄跤學校，毋過因為有心，予我看會出學校的希望；因為有愛，予我嘛看會著學生囡仔的將來。佇遮我欲共二、三個月來，看著得的沓沓滴滴講出來佻逐家做伙來分享：

佇猶袂上課進前，我攏感覺蹉佇庄跤的囡仔，講母語一定會較輪轉，毋想著，第一擺上課就改變我這個想法矣。想袂到佇學校內面，對一年級到六年級的學生，有一半毋是單親就是外配的家庭，這種背景出世的囡仔，有的是阿公、阿媽恁（tshuā）大漢的，個的台灣話講了就袂稔（bái）；若是新住民咧照顧的，大部分攏是講甲離離落落，抑是較不敢表達家己的意見。我教的學生就有中國、印尼、越南、泰國、烏拉圭...教室內面，親像一个小小的聯合國全款。我一開始用台語透濫著華語來佻個親近，嘛定定製造機會予逐个學生攏有開喙的機會，我對上基礎的拼音、日常生活的舉例，慢慢仔建立個對母語的信心。

城鄉資源的差別猶原存在佇遮，特別是佇一寡較弱勢的家庭。我

看著市內真濟囡仔綴著父母去看『太陽劇團』，看個咧討論新出品的『平板電腦』的當時；庄跤一寡囡仔干焦有法度綴阿公、阿媽去廟裡覓，抑是佇厝的電視邊看「夜市人生」，予人感覺真感概呢。我定定利用上課的時機，講一寡社會上新的消息予學生聽，閣紹介現代基本的智識予個知影。我教個會曉透過學校老師運用在地文化中心的資源去接觸閣較濟的物件。我感覺遮的囡仔攏毋是蠢的，個干焦是欠開發佻鼓勵爾爾。

「上精彩的教冊內容，就是上好的教室經營」這是今年我去台北市參加母語師資認證培訓，聽著的一句話，到今我一直共伊記牢牢。我完全無留步，共這幾年佇國內參加的進修、研習佻市內教冊現場的經驗、撇步攏佻遮盡展。除了課文內容的傳授以外，親像是彈琴唱歌謠、話仙講故事、講笑答喙鼓，抑是現場的放送頭，逐禮拜一擺佻囡仔的相會，攏會予個有一擺的成長佻期待。我若看著學生上課專心的眼神、唱著快樂的歌聲，歡歡喜喜來學母語，我就感覺足安慰的。

這陣學生囡仔，先天的環境有較穩，有一擺個捌共老師講：「阮定定看高鐵的火車走來走去，就是攏無坐過，毋知伊內底是圓抑扁」校長知影了後感覺真毋甘，隨著認真走從（tsông）去爭取。今年歇熱的時陣，台灣高鐵公司特別免費招待這間學校弱勢的學生囡仔去台北動物園迺迺一工。個轉來了後，佇老師的指導佻鼓勵，今年得著全

國弄獅表演第一名呢，規个庄頭佻學校的人若講到遮，逐家攏嘛喙笑目笑，這件代誌嘛啟示著我，只要有心、有愛，庄跤囡仔嘛會出頭天。

看著個嘛想著四十年前的家己，這陣囡仔就親像學校圍牆邊外口彼一大片的田園仝款，我嘛欲用心拍拚共咱的母語佇這塊土地掖種、發穎、開花、釘根、生澁，一代一代永遠傳落去。